



Kepada : Seperti di lampiran

Daripada : Bendahari

Ruj. Kami : UPSI/BEN/B/370/3/6 Jld. 2 (06)

Tarikh : /5 JUN 2011
/3 REJAB 1432

Pindaan Ke Atas Pembayaran Syarahan Yang Melebihi Beban Tugas Kepada Pensyarah/Guru UPSI
- Semakan Beban Tugas Melalui UIMS-SIS

Dengan segala hormatnya saya merujuk kepada perkara di atas dan memo jabatan ini bil. UPSI/BEN/B/PEM-3/04 Jld. 2 bertarikh 13 Mei 2011 adalah dirujuk.

2. Jabatan ini menerima banyak pertanyaan ke atas semakan beban tugas pensyarah/guru melalui UIMS-SIS termasuk adakah jumlah beban tugas mengambil kira Indeks Prestasi Utama (KPI) untuk kakitangan akademik UPSI yang telah diputuskan oleh Mesyuarat Senat bil. 4/2008 pada 15 Julai 2008. Sebagai makluman semua PTj, penetapan beban tugas pensyarah/guru dikeluarkan melalui memo saya terdahulu adalah berdasarkan kepada keputusan Mesyuarat Jawatankuasa Perancangan Akademik (JKPA) UPSI kali ke-61 bil. 3/2009 pada 2 April 2009 dan kali ke-64 bil. 6/2009 pada 30 Jun 2009.

3. Semakan semula telah dibuat dengan Pejabat Timbalan Naib Canselor (Akademik dan Antarabangsa) dan dengan mengambilkira kedua-dua keputusan Senat dan JKPA, maka penetapan beban tugas pensyarah/guru adalah dipinda seperti berikut:-

Bil.	Jawatan	Jumlah Beban Tugas (Jam)
1.	Dekan/Timbalan Dekan/Pengarah/Timbalan Pengarah/Ketua Jabatan Akademik/Pengetua Kolej	3-6
2.	Penyelaras/Ketua yang dilantik di peringkat fakulti	6-9
3.	Pensyarah mengajar kursus yang mempunyai amali	9

4.	Pensyarah mengajar kursus yang tiada amali	12
5.	Guru	20

4. Sehubungan itu, pihak jabatan Bendahari akan mengguna pakai penetapan beban tugas pensyarah/guru yang dipinda seperti jadual di atas semasa membuat semakan untuk proses bayaran bagi tuntutan syarahan yang melebihi beban tugas. Berdasarkan ketetapan di atas, sekiranya seseorang pensyarah/guru mengajar **melebihi** beban tugas yang ditetapkan, beliau boleh dibayar elauan syarahan mengikut jam.

5. Sehubungan itu, mulai tuntutan bulan Jun 2011, Jabatan ini akan membuat semakan secara *online* melalui Sistem UIMS-SIS untuk proses pembayaran kepada pensyarah/guru bagi tuntutan syarahan yang melebihi beban tugas. Bagi pensyarah/guru yang beban tugas pengajarannya **belum melebihi** had yang ditetapkan, memo makluman berkenaan perkara tersebut akan dikeluarkan kepada pensyarah/guru yang terlibat.

6. Sekiranya mana-mana pensyarah/guru menghadapi sebarang masalah berkaitan beban tugas mengikut ketetapan Universiti, mereka bolehlah berhubung terus dengan Unit Pendaftaran Kursus, BHEA (bagi program pengajian Diploma dan Ijazah Sarjana Muda) dan pihak IPS (bagi program pengajian peringkat Pasca Siswazah).

7. Saya berharap tuan/puan dapat mengambil perhatian ke atas perkara ini dan kerjasama tuan/puan adalah dimohon untuk memaklumkan perkara ini kepada semua kakitangan di bawah seliaan tuan/puan.

Sekian, terima kasih.



(KHADIJAH BINTI HAMDAN)

s.k. Naib Canselor

TNC (Akademik & Antarabangsa)

TNC (Penyelidikan & Inovasi)

TNC (Hal Ehwal Pelajar & Alumni)

Pendaftar

Ketua Unit Audit Dalam

Dekan Fakulti Pengurusan dan Ekonomi - Memo Y. Bhg. Prof. ke jabatan ini bertarikh
24 Mei 2011 adalah berkaitan.